

七十二家集

梁簡文帝御製集卷之十五

梁太宗簡文皇帝蕭綱著

墓誌銘

華陽陶先生墓誌銘

維大同二年龍集景辰克明三月壬寅朔十二
日癸丑巳時華陽洞陶先王蟬蛻于茅山朱陽
館先生諱弘景字通明春秋八十有一屈伸如
恒顏色不變有制贈以中散大夫諡曰貞白先
生遺舍人主書監護喪事十四日巳時窆于雷

平之出若夫真以歸空爲美道以無形爲貴不
知悅生大德所以爲生不知惡死谷神所以不
死妙非隱顯變化物莫能測旣而岫開折石天
墜玉棺銀書息簡流珠罷竈九節麗于空中千
和焚於地下仙官有得朋之喜受學振臨谷之
悲余昔在扮壤早逢地上之術今邁元良屢稟
浮丘之教握留符而惻愴思化杖而酸辛乃爲
銘曰

無名曰道不死爲仙亦有元放兼稱稚川遁形

解化自昔同然猗歟夫子愛籙歸玄梨傳苑吏
書因買船虎車照景蜺拂凌烟餘花灼爍春澗
潏潏鬱鬱茅嶺悠悠洞天三仙白鶴何時復旋

徵君何子哲先生墓誌銘

先生履王燭之禎氣應大賢之一期實生而知
於無塵斯庶敬非習起孝乃因心聚徒教習學
伯成群與沛國劉瓛汝南周顒爲友陸璣賀瑒
之徒更道北面永明中王文憲儉受詔撰禮未
竟而卒屬在司徒文宣王王以讓先生因廣加
刊緝故以含文燕居說六典五恩之義或齊侯
所不鎮孟嘉所未知皆析茲大物成此良教小
人道長每諷考槃之詩君子道消便執天山之

筮乃毀車挂冠拂衣東嶺始居若耶來從秦望
今上經綸天地權輿鼎業始徵爲軍謀祭酒實
允文若之舉且光彥先之選又徵特進右光祿
大夫高尚其事確乎不板玄纁徒往東帛虛歸
而給白衣尚書祿固辭不受卒寔乎其山正衾
在殯嗤鏤器與玉衣堯典入棺耻密章及書綬
知與不知並懷惋愴咸以人亡素楷禮墜文章
洙泗頽經扶風罷學關西擬聖之德自此長淪
高松引風之氣於茲永息余昔在朱方亟枉翰

迹欽風味道迄淹歲時旣而位阻桂宮塗乖咫尺不獲擁經步至問春卿之病徐輪三反入杜夷之舍痛祥雲之滅采悲列曜之晞暉追勒高卿乃爲銘曰

文範高世玄晏絕倫復有令德遠之與均誰與均此嗚呼哲人第五肥遁餘軌尚遵司空開學其風不泯傳茲孝敬曰悌且仁氣高瓊岳心虛谷神括羽儒囿舟輿席珍旣遊慧水兼引法輪談扇猶在鳴琴尚陳如何不憖德素長淪寂寥

巖穴荒涼渭濱橋曰隻雞徐稱酌素余欽夫子
風期夙著蓄思含毫傳芳寫譽沉礎雖貞玄泉
無曙

庶子王規墓誌銘

玉挺藍田珠潤隋水價重連城聲同垂棘偶應
龍之籥影等威鳳之羽儀名理超於荀王博洽
侔於終賈稍遷侍中佩玉璽於文昌珥金貂於
武帳文雅與綺縠相宣逸氣並雲霞俱遠副君
取敬杜夷時廻晉儲之駕追嗟徐幹亦降魏兩
之書爰發睿辭爲銘云爾

七畧百家三藏九部成誦其心談天其口勝氣
無儔高塵誰偶榮珪掩采靈劍摧鋒宋郊淪鼎

洛水沉鐘玄扉不晝幽夜恒冬

戎昭將軍劉顯墓銘

繁弱挺質空桑吐聲分器見重播樂傳名誰其
均之美有髦士禮著幼年業明壯齒厭飫典墳
研精名理一見弗忘過目則記若訪賈逵如問
伯始穎脫斯出學優而仕議獄旣佐芸蘭乃握
搏鳳池水推羊太學內參禁中外相藩岳斜光
已迫殞彼西浮百川到海還逐東流營營返魄
汎汎虛舟白馬向郊丹旒背輦野埃興伏山雲
輕重呂掩書墳揚歸玄冢爾其戒行途窮士壘

弱葛方施叢柯日拱墜柳蕙春禽寒歛託長空
常暗陰泉獨湧袂彼故塋流芬相踵

劉之遴上太子爲劉顯乞言啓附

之遴嘗聞夷叔柳惠不逢仲尼一言則西山
餓夫東國黜士名豈施於後世信哉生有七
尺之形終爲一棺之土不朽之事寄之題目
懷珠抱玉有沒世而名不稱者可爲長太息
孰過於斯竊痛友人沛國劉顯韞櫝藝文研
精覃奧聰明特達出類拔群闔棺郢都歸魂

有日須鐫墓板之遶已畧撰其事行今輒上
呈伏願鴻慈降茲睿藻榮其枯魄以慰幽魂
冒昧塵聞戰慄無地

長沙宣武王碑銘

金表龍符綠地龜圖且稱瑞漢寔曰開虞於昭
帝緒蟬聯厥初有微玄水亦作司徒重檐偃蹇
曲注逶迤重攄鳳翥桂棟蓮披文擅晚麗采節
晨輝春藤絡戶寒菊臨池惟馨惟德無絕於斯

安成藩王墓銘

許氏猶龍荀家鳴鶴豈如宗子分聯華萼對策
雲臺觀書麟閣官美登朝文高入洛得意琴書
忘言丘壑

中書令臨汝靈侯墓銘

昔太祖時其惟宣武講道開天儀嵩作輔是曰
邠茅藉覲承矩如康嗣衛似禽居魯息轡巖隈
塗窮夜臺靈檐永閭松路方開草茂故轍松植
新枚月明泉暗暑往寒來

儀同徐勉墓銘

朱弓表瑞寶劍攸歸長瀾斯注爪爬含輝舉直
斥僞校名責實朝有進賢野無遺逸違天卽地
歸幽去明空谷傳鼓哀風送鈴

太子舍人蕭特墓銘

威鳳五色朝陽千仞孫枝發響將雛流韻馥哉
若蘭頌矣懷熊瑾旣誕子恒乃歡胤銀鈎之巧
重世適雋况此臨池蟬輕露潤丹旒輕飛哀歌
徐引壠水春帷山雲晚陣

湘宮寺智禪法師墓銘

嗟爾名德超然有暉五塵夙離三修允依戒珠
靡缺忍鎧無違智燈含影慧駕馳騁若韜山金
如苞海寶德邁西河聲踰東道伊時傾蓋于彼
朱方不期而遇襄水之陽掩此方墳悠哉泉下
鬱鬱翠微遶遶平野薪盡火滅歸真息假

同泰寺故功德正智寂師墓銘

羣類朽波逝江潭山川若此人何以堪亦生
亦滅如壑如舟千齡俱盡萬古誰留惟茲大士
才敏學優幼捐蹈火早去吞鈎法雷能響懸河
必訓辨才可匹妙德難儔

宋姬寺慧念法師墓銘

電逝生危舟沈道滅石折亡儒星開殞哲是曰
人龍亦號僧象慧氣素昭英賢夙上善渡愛河
能褰欲網如彼高山法徒斯仰如彼澄波不測
深廣

甘露鼓寺敬脫法師墓銘

岌岌緣假昏昏大夢六塵遠飛四流長控猗嗟
大士慧舟法棟早擅人龍夙標威鳳善堂間構
燃王布席辯河流水辭峯積石寂寥兩樹悠漫
三泉神明何託暗石空傳

淨居寺法昂墓銘

篠簜含登蘭蓀表質甘露已凝智泉斯溢頓響
中衢息棹脩渚礪陋白駒藤緣黑鼠同志酸傷
交朋哀楚

誄

司徒始興忠武王誄

皇源地闡帝業天維於穆忠武光國之基爰自
弱齡英明播越玉潤水鮮山靜雲發帝曰爾諧
僉議彼屬推轂兩江建旗三蜀將旋上國戀結
四民三鱣表服二鹿隨輪方變正袞永範時規
天弗報善哲人其萎響哀挽於北邙去承明而
不入望參差之流影聽潏潏之雨泣

哀辭

大同哀辭

大同字仁洽予之第十九子也生於仲秋殞於
冬未悲夫潛慟結於心愁眉慘於外夕坐於是
申旦當食以之不甘客有謂予曰死生常也夭
壽命也陳蕃所憇之家久傳紀錄之歲華歆所
聞之語已定北陵之期上聖所以忘情賢者所
以達節將何戚焉予對之曰觀其明眸豐下玉
色和聲豈不登髫歲而擬觸藩及紉袴而知折

李靈心摧於毫末慧識挫於跣步庶方悟於來
途遂窮魂於短日豈不傷哉乃爲辭曰

含精鬱抑歎嗟何極云誰之悲悲予弱息實天
道之偏頗觀賦命之殊舛彼神祭之靈長獲萬
春之悠緬有舜華之照灼寄一朝之浮命始夢
熊而兆吉遂設弧而表慶驗天蘭之所受知地
井之可映愛萱草之有徵欣赤芾之在詠信歎
慰之未幾悼夭零之云及乃變樂而爲悲遂改
笑而成泣昔珠襦之交舒又金香之相襲籍籍

齒於弱肌隱孩笑於羅帷今獨親於玄壤亦何
痛其如之憶餘態而心楚想媚質而迴腸藥尚
殘而染地衣猶褰而在床卷金屏之四葉開銀
函之九羊忽徘徊而想像曾何時而不傷於是
風景暮鍾氣嚴晚候葉兢兢而走堦水淅淅而
鳴漏月半鏡而開河雲羅柱而下岫燈發熠而
吐花火含光而成就金鹿之恨涕沾衣金瓠之
哀還掩扉猶茲紫山明玉碎譬彼西都芳草腓
終無逐浪鳧船及何時復聞龍種歸

梁簡文帝御製集卷之十六

梁太宗簡文皇帝蕭綱著

文

悔高慢文

弟子蕭綱又重至心歸依三寶竊聞禮稱弗傲
表沐浴之遺文經云不慢驗踰闇之妙典故一
遇恒禰陵伽尚生餘習上賓天帝淮南猶有誤
辭亦有才曰隱淪調惟高俗猶足座庠晉君立
前齊王况復道隆三學法兼五衆如過前殿似

出北門而不密室致恭遺片按足敢藉勝緣願
起弘誓從今日始乃至菩提於諸出家悉表虔
敬方欲削除七慢折制六根賓頭下步庶無厭
咎耆達棄車方思景慕幽顯大衆咸爲證明

六根懺文

今日此衆誠心懺悔六根障業眼識無明易傾
朱紫一隨浮榮勦千紀莫歸雖復天肉異根法
慧殊美故因見前境隨事起惡今願捨此肉眸
俱瞬佛眼如扶目王見淨名方丈之室多寶踊
現之瑞牟尼鷲嶽之光彌勒龍華之始常遊淨
土永步天宮耳根闇鈍多種衆惡悅染絲歌聞
勝法善音昏然欲睡聽鄭衛淫靡聳身側耳知
勝善之事樂之者希淫靡之聲欣之者衆願捨

此穢耳得彼天聰聞開塔關鑰之聲彈指馨咳
之響諸佛所說悉皆總持香風淨土之聲寶樹
鏗鏘之響於一念中恍然入悟鼻根過患彌復
頑聒耽染六蘭流連百和鬱金易著薝蔔難排
雖復一薰一蕕叶性難遣空中海上彌不自覺
至如雕鑪在彼翠霧霏煙識染相牽彌生纖累
所以螂蛆甘帶自謂馨香烏鴟嗜鼠不疑穢惡
今願捨此鼻根得彼天受振裳躡步跨栴檀之
迦林提囊拭鉢捧香積之寶飯長離穢濁永保

清升舌根障重染惡尤深毒刺爭興惡虵競起
既貪五黃六禽之旨又甘九鼎八珍之味所以
焚山破卵涸水枯鱗龜雁不斟有染指之過羊
羹不及致入陣之苦雖復鵠膾鹿胃猶不稱甘
鳳脯龍胎更云不美雖羅鼎俎未必皆嘗在彼
衆生於命已酷或復聞朋亂友破俗傷真變紫
奪朱反白爲黑所以讒言三至曾母投杼端木
一說越霸吳亡故知三寸之舌未易可掉駟馬
旣出於事難追願斷煩惑入清淨境旣同阿難

乞乳之譏又等淨名寂默之致餐禪悅之六味
服法喜之三德形恭心到永趣菩提身根頑觸
唯貪細軟質體塵礙不重戈矛莫不愛我輕他
陵人微物縱此裸蟲不羈醉象六塵四倒自此
而生五蓋十纏因斯而致所以象簞清潤遨遊
於夏室重衾狐白溫煦於冬房結駟廣廈動靜
必安鷁首翠樓去來有託所以三業之過出自
機關四大假成豈有真我願捨此畫瓶得彼金
色淨寶珠之法飾照瑠璃之慧體長歸五分永

等十身意識攀緣其罪山積險同夢幻譬若猿
猴懸鏡高堂一念難淨走九索上百慮先馳至
如二十五有紛繞不息九十八使驚驚無已所
以灰心滅智行拔於三乘風禪露飲道高於六
度今願斷此意根祛累斯盡心當恬怕洞照無
生一切衆罪悉滅俗門三界異途歸之真域懺
悔已竟誠心作禮

唱導文

夫十惡緣巨易惑心塗萬善力微難感靈性是
以摩鉢赴火立志道場薩埵投身必之妙覺衆
生積染流浪不歸苦海易沈慈波空蕩溺愛與
生死共門無朋與結網同路各趣百非經茲四
苦人思戮力昭彼三明是以如來因機致化如
大醫王隨病施藥當今皇化之基格天網地扇
仁風於萬古改世季於百王覆載蒼生慈育黎
首天涯海外奉道餐風抱嗟吹脣含仁飲德民

無賢肖愛均一子衆等宜各克已丹誠澄心慊
到奉爲至尊敬禮娑婆世界釋迦文佛歡喜世
界栴檀德尊水精刹土月電如來寶明世界山
海慧佛奉願聖御與天地比隆慈明與日月齊
照九有被康哉之澤八方延仁壽之恩玉燭之
美日著遐方擊壤之歌遍聞天下敬由心起五
體所以外恭情發於中六識所以畢到故一善
染心萬劫不朽百燈曠照千里通明憑法致安
積善延慶今日幸遇茲訓誘豈得不聲竭心途

奉爲皇太子敬禮東方寶海南方燈明西方無
量壽北方相德奉願離明內映合璧外和玉震
雲浮金聲海鏡日朝顏色四善流風旣擅溫文
之德實著監國之重蒼生飲德有識饗仁爰和
內化事炳周經讚德含章訓高惇史故以配正
奉天表七教於仁德宣風緝惠闡六服於溫慈
各宜攝心奉爲貴嬪歸命敬禮五十三佛三十
五尊當來賢劫千劫在百七十奉願月相與萬
善同休金聲與四時並祐興七覺以炳照罔十

智於常樂閨守奉仁宮儲錄德暉同疊璧煥若
崑瓊蓋聞高高惟嶽作屏皇家宗子維城克固
磐石所以戚均魯衛任等蕭曹三台正席坐而
論道九棘勤王恪居連事宜各運心奉爲臨川
安成建安鄱陽始興豫章又南康廬陵湘東武
陵諸王家國戚屬六司鼎貴歸命敬禮舍利形
像菩提妙塔多寶跏趺現釋迦碎身奉願心鏡凝
深身清岳峙克隆帝祉永茂皇枝衆各一心歸
命三寶三界異術五道分逕天人植業各歸一

果鬼神牽報事炳冥途上善華果既乖正力五
濁煩心彌多惱累雖復聰明正直三牲之祀未
虧陰陽不測六根之滯猶染衆等宜各露誠逮
爲天龍八部護塔善王乃至脩羅八臂摩醯三
目盡爲敬禮尊經正典清淨波若究竟涅槃法
華會一之文淨名不二之說願一切善神永斷
無明長遵正本卧處寶宮坐甘香積帝釋淵廣
泛般若之舟淨居深沈駕牛車之美澤及三界
明照四天大悲拔苦事炳前經弘慈與樂義高

名訓是以靈權降迹出沒不同菩薩位懷顯晦
多術無邊劇惱弱八苦於修途有縛纏情繞六
趣於危道金鎖玉牀猶念解脫雕珠飾綺不及
塗中至如飄飄熱風滄浪冰水暗室千重黑城
百仞鐵輪碎骨銅柱焦腸傷出刀峯橫抽劍鏑
如斯衆苦尤爲險脆一息不追則萬劫永別剎
那暫斷則千代長離相與共託閻浮泡生幻處
危脆之質有險蜉蝣風電之馳誠難可駐况復
三相併盛二鼠攢危毒箭惡蛇尤爲可畏庶憑

正法拔茲累染長享百福永斷六塵對至無彊
唯佛可恃今爲六道四生三途八難慈悲懇倒
一心遍禮十住菩薩三行聲聞禮救世觀音獻
蓋寶積西方大勢東國妙音四辯淨名二土螺
髻珠頂普宿彌勒文殊金剛藏解脫月棄陰蓋
常舉手十大弟子五百羅漢願罔罔空虛疾惱
消息城中百縣方外千城凡在幽執一同寬蕩
人協覆蛇俗化匡蟻類服鵠之不死同拔劍之
無傷含生不縷轉死自溫渭橋日飽翳桑無餓

打塞三塗填碎地獄破魔兵衆壞生死軍閻羅
發十善之心牛傍啓五戒之業如魚少水若鴈
窮林一聽法音卽捨鐵質人運五體歸命三寶

四月八日度人出家願文

弟子蕭綱以今日建齋設會功德因緣歸依十方盡虛空界一切諸佛歸依十方盡虛空界一切尊法歸依十方盡虛空界一切聖僧竊聞涅槃經言身如畫水隨畫隨合是身不淨九孔常流凡夫愚人常行味著愚癡羅刹止住其中又如瑞應經言沙門之爲道也捨家妻子捐棄愛欲斷絕六情守戒無爲其清淨得一心者則萬邪滅矣一心之道謂之羅漢聲色不能染榮位

不能屈難動如地以免憂苦故知出恩愛獄薄
俗爲難善來比丘其福深重弟子以此因緣今
日度人出家願一切六道四生常離愛欲永拔
無明根削遣闇惑心修習般若慧足踐輕輪之
光口說懸珠之辯披忍辱鎧秉智慧刀乘菩薩
車坐如來座結纏披解頂相光明戒因清白後
報尊重所有果業皆悉勝出受持法藏爲佛真
子一切道行皆悉能行一切大誓不休不息仰
願十方盡虛空界一切諸佛仰願十方盡虛空

界一切尊法仰願十方盡虛空界一切聖僧咸
加證明又仰願十方盡虛空界一切諸天仰願
十方盡虛空界一切諸仙仰願十方盡虛空界
一切聰明正直守護一切善神又願今日見前
幽顯大衆咸加證明今日誓願使弟子蕭綱得
如所願滿菩提願一切衆生皆悉隨從得如所
願

千佛願文

蓋聞九土區分四民殊俗昏波易染慧業難基
故法身寂鏡有照斯感滌無明於欲海度蒼生
於寶船或輕慈導捨薄笑牽悲曲豔口宣斜光
頂入自鹿樹表光金河匿曜故像法衆生希向
有形雖于聖異跡一智同塗弟子某甲久沒迷
波長流苦沫不生意樹未啓心燈而益生一念
敬造千佛雖復無上無爲極相難辨非空非有
妙智難觀而紺髮日光蓮眸月面庶可長表誠

敬永寄心期

祭文

祭灰人文

積注奄旬祭在灰人消茲獸炭焚此桂薪積如
玉屑聚若遊塵庶人之風不拂獄吏之慢寧陳
當令金光小史侍使玉童奏雲師於執法力水
伯於天宮鑢星誅於電女貫索囚於雷公廓重
氛於八極靜連絲於四空旣瞳矐於車蓋又赫
赫於飛盤且疑威於趙盾實望近於長安

祭戰亡者文

降夫旣旋功臣又賞班荷元勲蘇逢漏網校尉
霑榮屬國蒙獎獨念斷魂長畢灰壤膏原染刃
委骨埋泉徒聞身沒誰辨名傳

爲人作造寺疏

以布金須達表精舍於給園影石仙人造伽
藍於離越莫不事表區中心憑真外但四纏惑
惜去善源而無滌五濁重寶非慧刃而安揮故
以懸彼瀑薪傷茲滴器今於郢州某山爲十方
僧建立招提寺縈負郊原面帶城雉枕倚巖壑
吐納煙雲重門洞啓未創飛行之殿步欄中霑
霜寡密石之功嚴飾之理難階甌鉢之資已罄
道俗儻能微留善念薄獎勝緣則事等觀香表

同錫乘昔人脩檀手雨七寶前賢薄施掌出雙
金福有冥移言無多遜謹疏

附錄

太宗本紀畧

陳姚思廉

太宗幼而敏睿識悟過人六歲便屬文高祖驚其早就知之信也乃於御前面試辭彩甚美高祖歎曰此子吾家之東阿旣長器宇寬弘未嘗見慙喜方頰豐下鬚鬚如畫眄睠則目光燭人讀書十行俱下九流百氏經目必記篇章辭賦操筆立成博綜儒書善言玄理自年十一便能親庶務歷試蕃政所在有稱在穆貴嬪憂哀毀

骨立晝夜號泣不絕聲所坐之席沾濕盡爛在
襄陽拜表北伐遣長史柳津司馬董當門壯武
將軍杜懷寶報遠將軍曹義宗等衆軍進討虜
平南陽新野等郡魏南荊州刺史李志據安昌
城降拓地千餘里及居監撫多所弘宥文案簿
領纖毫不可欺引納文學之士賞接無倦恒討
論篇籍繼以文章高祖所製五經講疏嘗於玄
圃奉述聽者傾朝野雅好題詩其序云余七歲
有詩癖長而不倦然傷於輕豔當時號曰宮體

所著昭明太子傳五卷諸王傳三十卷禮大義
二十卷老子義二十卷莊子義二十卷長春義
記一百卷法寶連璧三百卷並行於世焉

史臣曰太宗幼年聰睿令聞夙標天才縱逸冠
於今古文則時以輕華爲累君子所不取焉及
養德東朝聲被夷夏泊乎繼統寔有人君之懿
矣方符文景運鍾屯剝受制賊臣弗展所蘊終
罹懷愍之酷哀哉

太宗本紀畧

唐李延壽

帝幼而聰睿六歲便能屬文武帝弔之信於前
面試帝攬筆立成文武帝嘆曰常以東阿爲虛
今則信矣及長器宇寬弘未嘗見喜愠色尊嚴
若神方順豐下須鬚如畫直髮委地雙眉翠色
項毛左旋連錢入背手執玉如意不相分辨眊
矐則目光燭人讀書十行俱下辭藻豔發博綜
群言善談玄理自十一便能親庶務歷試藩政
所在稱美性至孝居穆貴嬪憂哀毀骨立所坐

席霑濕盡爛在襄陽拜表侵魏遣長史柳津司馬董當門壯武將軍杜懷寶振遠將軍曹義宗等進軍克南陽新野等郡拓地千餘里及居監撫多所弘宥文簿部領纖毫必察弘納文學之士賞接無倦嘗於玄圃述武帝所製五經講疏聽者傾朝野雅好賦詩其自序云七歲有詩癖長而不倦然帝文傷於輕靡時號宮體所著昭明太子傳五卷諸王傳三十卷禮大義二十卷長春義記一百卷法寶連璧三百卷謝客文涇

清三卷玉簡五十卷光明符十二卷易林十七
卷龍經二卷冰浴經三卷馬槊譜一卷碁品五
卷碁基譜一卷新增白澤圖五卷如意方十卷
文選一百卷並行於世初卽位制年號將曰文
明以外制彊臣取周易內文明而外柔順之義
惡賊覺乃改爲太實雖在蒙塵尚引諸儒論道
說義披尋墳史未嘗暫釋及見南康王會理誅
知不久捐所居殿謂舍人殷不害曰龐涓死此
下又曰吾昨夢吞土試思之不害曰昔重耳饋

塊卒反晉國陛下所夢將符是乎帝曰儻幽冥
有徵冀斯言不妄初景納帝女溧陽公主公主
有美色景惑之妨於政事王偉每以爲言景以
告主主出惡言偉知之懼見讒乃謀廢帝而後
問主主苦勸行弑以絕衆心廢後王偉乃與彭儁
王脩纂進觴於帝曰丞相以陛下幽憂旣久使
臣上壽帝笑曰已禪帝位何得言陛下此壽酒
將不盡此乎於是儁等并贊酒肴曲項琵琶與
帝極飲帝知將見殺乃盡酣謂曰不圖爲樂一

至於斯旣醉而寢偉乃出僦進土囊土脩纂坐
上乃崩竟協於夢偉撤戶扉爲棺遷殯于城北
酒庫中帝自幽繫之後賊乃撤內外侍衛使突
騎圍守墻垣悉有枳棘無復紙乃書壁及板鄣
爲文自序又爲文數百篇崩後王偉觀之惡其
辭切卽使刮去有隨偉入者誦其連珠三首詩
四篇絕句五篇文並悽愴云

又

帝初封晉安王累遷都督雍州刺史中大通三

年被徵入朝未至而昭明太子謂左右曰我夢
與晉安王對奕擾道我以班劍授之王還當有
此加乎四月昭明太子薨五月丙申立晉安王
爲皇太子

爲雍州柳津請留晉安王表

梁劉孝儀

楚備寶臣秦兵不入齊多君子魏珠耻照足使
文公懼而側席孟軻歎而廢寢敢言借寇之願
切望申耿之恩陛下昔在潛龍因茲獲躍固以
陋臚臚於周原包匆匆之佳氣昔次君出撫近
駕班輪喬卿在政遙授袞服焉馮熊軾而督盜
御龍章而行部無虧燮理有光司牧

謝東宮示古跡啓

梁庾肩吾

竊以仙巖遺傳入握成塵孔壁藏文隨聞已蠹
石書有暗厨畫猶飛豈有跡經四代年踰十紀
芝英雲氣之巧未殞松鉛鵲反鸞驚之勢不侵
蒲竹必使酒肆人來池流色變將損北海之牘
還代西河之簡

進玉篇啓

顧野王

竊聞兩儀倂啓九皇始君情性初動有巢肇制
三聖代立十紀遞興龍牒浮河龜書起洛八卦
既陳六爻攸敘篆素之流是焉而出至於精課
源妙求其本始末學敷淺誠所未詳雖復妍考
六經校讎百氏殊非庸菲所能予奪謹依條例
同具具以上呈伏惟聖皇馭寓膺錄受圖德尚
昊軒功超媯姁通妙廣運乃聖乃神經天曰文
止戈爲武百工維理庶績咸熙勸以九歌撫之

八柄修文德以來要服舞干戚以格有苗是故
仁風所扇九服蒙靈正朔可班四荒懷德取衣
維樹則肅慎識受命之興夷波海水則越裳知
聖人之德豈但中和樂職近播岷峩德廣所覃
旁流江漢殿下天縱岳峙叡哲淵凝三善自然
匪須勤學六行前哲寧以勞喻是以聲覃八表
譽決九垓規範百司陶鈞萬品猶復留心圖籍
俛情纂素糾先民之積謬振往古之重疑簡冊
所傳莫令比盛野王沾濡聖道沐浴康衢不揆

點鐵交陳狂狷徒夢收腸終當覆甌空思朱墨
懼必無傳悚悸交心罔知攸措謹啓

奉和太子納涼梧下應令

梁庾肩吾

北園涼氣早步輦暫逍遙避日交長扇迎風列
短簫山帶彈琴曲桐橫棲鳳條懸門開溜水錦
石鎮浮橋黑米生菰葉青花出稻苗無因學仙
藻雲氣徒飄飄

和皇太子春林晚雨

梁劉孝威

雲樹交爲密雨日共成虹雷舒長男氣枝搖少
女風葉珠隨滴水簷繩下溜空蝶濡飛不颺花

沾色更紅明
離信養德能事畢
春宮誰堪偶鳳
吹唯有浮丘公

遺事

簡文愛制侯景景以簡文女溧陽公主爲妃請
帝及主母范淑妃宴于西州奏梁所常用樂景
儀同索超世亦在宴帝潛然屑涕景曰陛下何
不樂也帝強笑曰丞相言索超世聞此以爲何
聲景曰臣且不知何獨超世

隋書音
樂志

晉通中有人二百四十歲不復食穀惟飲曾孫
婦乳簡文命勞之賜以束帛

南史

上黃侯曄名盛海內與新渝建安南浦號東宮

四友簡文日有五六使來往

南史

阮孝緒卒簡文在東宮隆恩厚贈子恕等述先

志不受顧協以爲恩異常均議令恭受

南史

集評

菩提樹頌措標致佳辭味清淨

武帝
荅劬

大法願訓義兼美良以欣然

武帝
荅劬

講頌首尾可觀殊成佳作辭典文豔既溫且雅

豈直斐然有意可謂卓爾不群

昭明
荅令

汝本有天才加以愛好無忘所能日見其善首

尾裁淨可爲佳作吟玩反覆欲罷不能

昭明太
子書

梁簡文之在東宮亦好篇什清辭巧製止乎雅

席之間彫琢蔓藻思極閨闈之內好事放習號

爲宮體

簡文烏棲曲妙于用短元帝燕歌行巧于用長

詩
駁

荅徐摘書專爲朱昇老姦發千載而下讀之如

新

王元
美

簡文監撫餘閒居多暇日能採摭篇詞搖動翰
墨彤乎宴謔有歌詠之音眷言興懷逐春秋之
序且君臣無猜素情共契末運鍾武弱文強之

離無爲之化墜矣情哉

品外
錄

帝王詩文自魏武帝而後非惟作文士氣且有
媚女氣矣然就彼法中亦自有神化簡文舉體
皆俊聲情筆舌足以發之

詩歸

糾謬

原有北人詔

育物惟寬馭民惟惠道著興王本非隸役或開
奉國便致擒虜或在邊疆濫被抄劫二邦是競
黎元何罪朕以寡昧創承鴻業旣臨率土化行
宇宙豈欲使彼獨爲匪民諸州見在北人爲奴
婢者并及妻兒悉可原放

按侯景矯詔赦北人爲奴婢者冀收其力用
而是詔乃載簡文帝本紀恐誤觀者故爲標

出